

Antea Andreas Chrysostomus
Episcopus Fivensis.

Juliacensis Coll. S. J. Victoriae publicae feliciter.

PANEG. et VITAE

Polon. Fol.

N. 1705.

Uedle myppuarema ker Estrecher.
autoren Igu Zaleski paper - ali chye to miestenne.

VICTIMA PUBLICÆ FELICITATIS.

In Aviti stemmatis Arâ,
EXCELLENTISSIMI,
ILLVSTRISSIMI,
AC
REVERENDISSIMI
DOMINI

**D: ANDREÆ
 CHRYSOSTOMI**

In Z A Ł V S K I E
Z A Ł U S K I.

Dei & Apostolicæ Sedis Gratiâ
EPISCOPI PLOCENSIS,
Sacræ Reginalis Majestatis Cancellarij.

A
 Collegio Pultoviensi Societatis J E S U
 Orbi Polono Demonstrata,
 Et in primo suæ Cathedræ limine profundissi-
 mo cultu Celebrata.

Anno Cælestis Agni ad Victimã Nati.

1692.

VARSAVIÆ Typis Collegij Scholarum Piarum.

k. k.

IN
Avita Illustrissimæ Domûs Arma.



BIBLIOTH. UNIV.
JAGELLONICAE

I.

21.589 III

Plocia Pastorem Te PRÆSVL jure salutât;
In Patrio pridem stemmate pascis Ovem.

II.

Crux, & Olor Cælos, Falces quoq; & Ascia terras
Implent; Sic Vestra est non minor Orbe Domus.

III.

Ducturi Populos per mille pericula sylvæ;
Atque per ignotæ cæca theatra plagæ;
Quantumvis superi, Geminas habuere Columnas;
Quantus es o PRÆSVL cui satis una facit!

Ad Candidum
ILLVSTRISSIMÆ DOMVS
A G N U M.

*AGNE Palatinæ decus immortale Curulis ;
Dignior es stellas inter habere locum.
Vincis luce Diem , superas candore pruinas ,
Lactea præcedis sidera , vincis ebur.
Non audet conferre Tuis sua Lilia Ceris
Flora , nec intactas alba ligustra nives.
Italâ non audent coram crystalla videri ,
Riphaeum vinci Te pudet ante gelu.
Candidior lacte es, Simoiq̃, Tagoque Padoque,
Castaliæ non est par Tibi Tethis aquæ.
Pallet Erythrei Te coram gemma profundi,
Te coram niger est Castilionis Olor.
Tu argentum Lunæ , Tyriæ Tu vellera lanæ ,
Tu vincis Lybicus marmora nata iugis.
Es nive candidior (fateor) Paphiisq̃, Columbis,
Candidior proprij Pectore non es Heri.*



Ad Candidum

ILLVSTRIS DOMVS

A G E N T I A

AGNE PAVLVS DE MONTMARTIN

DE PAVLVS DE MONTMARTIN

DE PAVLVS DE MONTMARTIN

DE PAVLVS DE MONTMARTIN

DE PAVLVS DE MONTMARTIN

DE PAVLVS DE MONTMARTIN

DE PAVLVS DE MONTMARTIN

DE PAVLVS DE MONTMARTIN

DE PAVLVS DE MONTMARTIN

DE PAVLVS DE MONTMARTIN

DE PAVLVS DE MONTMARTIN

DE PAVLVS DE MONTMARTIN

DE PAVLVS DE MONTMARTIN

DE PAVLVS DE MONTMARTIN

DE PAVLVS DE MONTMARTIN

DE PAVLVS DE MONTMARTIN

DE PAVLVS DE MONTMARTIN



EXCELLENTISSIME
ILLUSTRISSIME
REVERENDISSIME
ANTISTES.

ADmiraris in primo Dignitatis Tuæ limine, quod publicæ felicitatis Victimam ad PRÆSVLEI Honoris Aram deducamus. Sed dabis veniam in primis facilē, & hoc ipso Nomine iam secundam, ubi patientissime expēderis, amittere sæpius nomina sua, immo grandescere etiam, minora quantumvis flumina, quoties in immensum Gratiarum mare prolabuntur. Vmbræ, locum non habent, inter Serenitates & Lumina. Consulimus igitur imbecillitati nostræ, ut per confertissima Te sibi gratulantium populorum agmina facilius vel hoc ipso titulo, ad Tuum conspectū pertingam⁹,

quantumvis immeriti. Nemo enim ab
Aris, nemo à communi Fortunæ publi-
cæ spectaculo eximitur, immo nullo po-
tiore jure ad cōmunis Holocausti spe-
ctat libamina, quàm qui maximè indi-
gnus, indigusque. Hanc tenuitati hu-
manæ felicitatem reliquere Boni supe-
ri, hanc necessitatis nostræ audaciā, vel
temeritatē, Vicaria in terris Numina
patiuntur, ut non desint, quos ad im-
mortales suarū Gratiarū Fontes, Hor-
tosq; quotidie possint admittere. Tot
quidem fortunæ titulis plenas manus
Tuas, majoris quam hoc sit muneris ca-
paces non ignoramus, sed tantillā mu-
neris molē, pondus & magnitudo im-
plebit argumenti. Scilicet ab Oculis,
quibus Regni totius serenās faciē, lu-
cem suam accipiet, à manu pretium, à
Nomine Tuo reverentiam. Concilia-
bit nobis innocentissimum AGNI fido
gratiam, addet Operi suavitatē Olor,
geminæ Falces à sterilitatis periculo
absolvent Oratorem, Ascia eriget, Co-
lumna sustinebit. Si desint alia Styli
ornamenta, invitamētum ac illecebra

erit

erit Lectorum nova ubiq; Tuarum virtutum exempla Nominaque. Vt verò ingenuè fateamur, tenere calamus nō potuimus, ad publici spectaculi ultrò evolantē prodigia, postquam olim advertimus, in Avitas Ceras Tuas, tot Splendores simul influxisse. Didicim⁹ Eruditissime ANTISTES, Primæ Magnitudinis Astra, in publica Cæli profusi⁹ ridentis lætitia, etiam Vlulæ vocē admittere; Legimus non solis olim Oloribus, verum ipsis quoq; corniculis licuisse suas Delphico Apollini plumas dedicare. Nimirum à debito Numinibus Vectigali nemo eximitur, immo edicto plus quàm Prætorio vetitum accepimus, ne quis loco excusationis adferre possit, par illis non habere:

*Juppiter Ambrosiâ Satur est, & Nectare vivit;
Nos tamen exta Iovi, Thura, Merumq; damus.*

Non blandimur PRÆSVL Optime, nefas enim est, tam publice hoc sibi styli genus usurpare, aut inter Illustrissimas Domûs Tuæ Ceras, umbrā pestis hujus cōparere, qui angue pej⁹ detestaris mendacium. Dabis tamē Veniam,

si domesticā Gloriæ Tuæ gazam alijs
quoq; Te inconulto aperiamus, quam
hactenus ita diligenter claudebat mo-
destia Tua, ne permissa luci publicæ,
thesauri nomen amitteret, parceretq;
nostræ palpebræ tantis fulgorib9 inas-
fuetæ. Morem nihilominus geremus
ubiq; & Tuæ PRÆSVLVM Mode-
stissime, Verecundiæ, & imbecillitati
nostræ; Ita in lucem publicam Patriti-
os deducemus Splēdores, ut nemo non
videat, quantum distet à Clarissimorū
etiam Oratorum ardore, Tuorū fulgor
meritorum. Vbiq; vincetur rerum Vir-
tutumq; Tuarū Magnitudine Narra-
tio, & minus erit quidquid de Te, quid-
quid de Illustrissima Domo Tua profe-
remus. Tu igitur leges, non tam Pane-
gyrim, quàm obsequiū nostrū, eò pro-
fundius ad plātas casurū PRÆSVLE-
AS, quò humilius. Affundemur Vestris
Splendoribus, etiam minimæ IGNA-
TII scintillæ, securæ tanto Nomine,
quòd Illustrissimi exuberantia luminis, mino-
ris adverti detrimenta non finet. Ita ominatur,
ita sperat.

JLLUSTRISSIMÆ CELSITUDINI VESTRÆ,

Devotissimum

Collegium Pultoviense Societatis IESU.



PANEGYRICUS.

Ilarefcite oculi ad novum
ſpectaculum, *ZAËVSCI-
ANVM AGNVM*, hoc
eſt, publicæ Felicitatis victi-
mam in *Plocenſi Ara* ſpectabitis. Poni-
te ſpes humiles *Populi*, per hæc prima ſa-
crificij ſui libamina initiatus Pontifex
noſter, novas ſublimioris *Fortunæ Ca-*
lendas dedicat. *Auſpicatum PRÆSV-*
LEI Honoris limen, *Palatini Sangu-*
ne AGNI conſecratur, ne ulli pateamus
olim, quantumvis à ſuperis miſſo percuſ-
ſori. Dicam ſemel, *Vellus* hoc, *Regis*
quoq; *Regum* pectus amat; facile ad inti-
mam cordis ipſius *Regiam*, ſpei noſtræ vi-
am aperiet. *Aries* hic, cœleſti quodam
Candore notabilis, etiam expugnandis
ſuperum affectibus aptus. Jam olim ad
aureum Solis conclave admiſſus, in quos

B

Cœli-

Cælitum amores immigraverit, palam est, qui ita in illum suum Oculū defixêre, ut nunquam dimittant à conspectu. Et quasi fortius suarum prospecturi securitati deliciarum, vigiles tot siderum Excubias circumposuêre. Vt iam intelligere liceat, quàm illustris Lucerna sit AGNVS, quem vel ipse demùm Titan, ad incrementum suæ Lucis, vel pompam adhibet. Inprimis verò Increata Sapientia, iratum olim placatura cælum, non alio, quàm sub AGNI Nomine voluit immolari. Nimirum nullus alius Sanguis pro nobis de terra vocalior.

Nihil est igitur quod Oblatio tanta non possit nobis ubiq; obtinere. Immortales proinde habemus gratias Illustrissimis Cæris Vestris, quod PRÆSVLEAM Dignitatem Tuam, ita nobis clare sub aspectum posuerint, ut palam sit omnibus publicæ felicitatis Victimam, in ZÆV-SCIANVM Stemma immigrâsse. Nemo enim iam non securus ab omni Fatorum vivet vulnere, nemo non Achilles sit necesse est, quẽ tãti sanguinis Fôs attigerit.

Verum

*Verum Oceanum quendam immensum,
non Fontem dicere debueram, ex quo tot
tantiq; Majores Tui, pluribus quàm Nili
ostijs promanârūt. Vt nemo iam nō vide-
at, quantus ipse nobis hodie, quantus feli-
citati advenias populorū, quem tam ingē-
tia Nomina præcedere debuerunt. Quo-
rum ego Imagines iam olim inter immor-
talitatis Altaria defixas, non moveo, neq;
Sacros illorum Manes, ad hodiernæ Ce-
lebritatis pompam deduco, satis magnifi-
centiæ splendorisq; à Te ipso habituram.
Publicæ deinde, quam tot Virtutum No-
minibus adornasti Victimæ pulchritudo,
libertatem hanc non relinquit, spectatori-
bus suis, ut ubi oculos in eam semel inten-
derint, torquere illos aliò possint. Igitur
unum Te meditatur, unum respicit, ad Te
unum festinat Nostra Panegyris PRÆ-
SVL Optime. Omnibus omnia factus,
etiam nondum absolutis Oratoribus, non
potes esse non Mecænas. Talem Te nobis
Fama publica, quæ longe adventum Tu-
um præcessit, pollicita est, talem Patritij
AGNI aspectus ominatur. Porro si ira-*

ta quoq³ Numina, supplicibus placantur
Hostijs, favebis pariter nostris conatibus,
Publicæ Victimam Felicitatis, eo gratiore
Superis cultu, quo humiliore Stylo offeren-
tibus.

Habet quidem suam me Hercule pu-
blicæ Lucis Aurora purpuram, est suus
parvis etiam Fontibus Honor, est non ul-
timum vel ipsis gemmarum exuvijs de-
cus. Nemo tamē sive gemmas à conchilio,
sive meridianæ lucis splendorem, ab Au-
rora, sive ingentia Flumina rectè à suo
fonte laudaverit. Sæpe enim pro fæda
Die, Aurora erubuit, sæpe pro maculo-
sis expalluere gemmis conchilia, sæpe tur-
bidis illacrymati Fontes Fluminibus,
frustra ex atomis tumuere Montes, frustra
superbum attollit verticem Laurus ingēs,
si parva quondam virga fuit.

Alium Fortunæ ordinem Domi Ve-
stræ fecere superi. Omnes pene ante Or-
tum Illustrissimi, omnes quoscunq³ prima
Lux ad publicam felicitatem excipit, aut
Sidera sunt, aut Soles, omnes in materno
adhuc lacte Primorum Regni subselliorū

Candi-

*Candidati, omnes Gigantes vel in cunis.
Immo decus est ultimum Stirpis Vestrae,
ab origine Magnos videri, nisi jam ubiq;
occurrant hodie, qui emineant. Auri na-
tale solum, montium prodit rubor, tenues
præmittunt radios nascituri Soles, prævo-
lat inscriptos Nomine Regum flores, rude
folium, spinæ rosis, Lunæ sidera prælu-
dunt. Nihil se totum unquam repente, a-
perit; Vobis ceu deducta ex Astris origi-
ne, totus simul, quasi omnis moræ impati-
ens, se infundit Illustrissimæ Domûs splē-
dor, tota simul in moribus aureis effulget
maturitas, nec observatis Annorū gradi-
bus, Legibusq;, sine intervallis tēporū ado-
lescit. Momēto possidetis ætates, & æternū
decus prima cēsetis luce. Festinatis itineri-
bus, ipsæ ultro ad Vos tāquā ad immortale
quoddā sacrariū, virtutes properāt ve-
luti de Nobili Palma certaturæ, quæ illa-
rū prior, tātæ Animæ Hospitiū suis exor-
net Imaginibus. Hæc Avorū in superos
Pietatem, illa invictam Animi Fortitu-
dinem, hæc difficillimis majorē negotijs
Prudentiam, illa vim eloquendi confert*

admirandam. Pulcherrima profecto hæc
est gloria, & non nisi Tua, neq; in tam lon-
go Stemmate hucusq; variata. Dabimus
hic nihilominus eam sacris Majorum Tu-
orum Cineribus reverentiam, ut illorum
parcamus elogijs, qui supra soles & sidera
positi, iam omnia humana vident, & tan-
tùm non pudet fuisse olim inter mortales.
Tu nihilominus per omnia tam felicitis jura
Originis abesse ab hodierna Celebritate
non potes **PALATINE RAVEN-**
SIS, Celsissima Stirpe **GENITOR**
ILLVSTRISIME. Exemplar
ævi prioris & sæculi nostri ornamentum.
Hæc publicæ felicitatis Victima sine De-
corum Tuorum splendore ignibusq; ab-
solvi nequit. Ponimus igitur in primo
PRÆSVLEI Honoris limine, rarissi-
mas illas, nō tā à quæsitis in peregrino lit-
tore Coloribus, quàm à perpetuitate, Vir-
tutum Tuarum Imagines. Habeant in
Te Posterì quod mirètur, si nequeunt imi-
tari, absenteq; Domino, exprobrèt vel ipsa
Domūs Limina intrantibus, quod paria
non exhibeant. Videant suum in Comiti-

is Lycurgum, in *supremo* Regni Tribunali
Areopagitam, in Templis Numam. No-
verint vivū Antiquæ Probitatis, prisciꝫ
Candoris simulacrum, mirentur Virum
ab ævo Aureo, ac in Vno tot Merita!
Dies me deficeret si irem per singula, ma-
joribus olim Fastis recensenda. Minus
tamen adhuc feceras **ILLVSTRISSI-**
ME PALATINE, nisi felicitati no-
stræ, tot tantosq; dedisses Senatores. Cele-
brent in Te alij, quod in fastigio Patritiæ
Dignitatis positus, Vivas sine fastu, solis
instar meridiani, qui, quò altiùs erigitur,
tantò alios inumbrat minus. Mirentur
cæteri, quod in summo Tribunalitiæ Po-
testatis Subsellio, in quo Odiū Vitari vix
potest, Tu omnium amorem fueris conse-
cutus. Dicant alij, quod Te Præsides ^{nulla} fu-
erit Causa felicior, quàm miserorum, il-
los quoq; memorent, quibus contigit ali-
quando Te coram damnari, palam confes-
sos esse, meritum sibi defuisse, non Iudicē.
Hi Tuam in superos Pietatem, illi Pru-
dentiam in Consilijs, alij Moderationem
auream, alij candidissimam & gemmeo
dignam

dignam sæculo celebrent morum suavitatem ; Gratulentur Tibi alij præcipuos Serenissimi Principis favores , aut ætatem primis in Regno parem Subsellis ; ego Senatores filios, in quibus novum iterum ordinis ævum inprimis gratulor, Parentū sæculo nostro fortunatissime, (dicam etiā) Beatissime. Hoc demum enim est, Patre esse Patriæ, tot illi Columina , tot Scipiones erigere, ut una Domus rebus publicis periculisq; possit sufficere. Protrudunt alij non tam in lucem publicam, quàm in tenebras Stirpem suam , ut infelicis olim fortunæ aliquos hæredes habeant, ne soli sint miseri ; Neq; desint aliquando, qui nudos Parentum Manes, deferant vel sequantur. Post sepulchri molem temerè projectam, plerumq; nihil illis restat, præter ferales lacrymas, & acerbâ tristicij funere auctam orbitatem. Quanquam & soles ipsi, cum extincta die, cælo nostro exeunt, nil nisi obscuram noctem, & nonnulla pro suæ Domûs foribus relinquunt in excubijs Sidera. Tu nunquam nobis totus occides, eminebis, etiam post fata Illu-
strissi-

strissimus, implebis senatū purpuris, & Patritio sanguine, attolles Insulas, beabis Regnum. Iam quanta hæc benignioris cæli clementia, quanta Tua JLLV-STRISSIME PALATINE felicitas, facilius est nobis intelligere, quàm proferre. Beatitudo in terris quanta! præuenire sæcula, suæ posteritati ante tempus interesse, æuum quod non aduenit, jam oculis prælibare, videre nondum natos euentus rerum, felicitatem publicam, tantorum Filiorum excelsa Indole metiri, dare initium Fortunæ Casibus post sæcula futuris, ^{#impulsiore} & nouo post hominum memoriam prodigio, Auream ætatem populis restituere. Dicam omnia: sepulta æuo tempora nobis revocas; dedisti rediitum Plocensibus CHRISOSTOMVM, Premisliensibus Insulis LVDOVICVM, MARTINVM Aris Cracoviensibus, Majorem Macedone Ravenfi Castello ALEXANDRVM, Brestensibus Cuiaviensibus fascibus HIERONYMVM, Livenfi Labaro FRANCISCVM, & adhuc maximæ

*spei, parvus licet, in arena Literaria,
de palma certat Iulus. Dij Boni! quot,
quantaq; Nomina! quot olim scriptorum
manus, quot Historicorum calamos suis
elogijs lassatura! quot Fastis Nomen da-
tura immortale! Quod At, quid enim à
LAVRENTIO Avūculo, nisi Illustrissi-
mum, quid ab ALEXANDRO Pa-
tre, nisi Magnum, quid à CATHA-
RINA OLSZOVIA, tanti Primatis
Germanà, nisi primis Regni subsellijs,
aut par, aut majus venire poterat! Da-
bis veniam Illustrissime PALATI-
NE, si arcana superum curiosius inspici-
am, videris eo nomine, de cælo terris da-
tus, ut Patritias Regni Curules, Ma-
gnis Proceribus unus impleas. Absit ver-
bo audacia, absit temeritas, tam illustri
stirpe beatus & superstes,*

*Invidiam terris, tantum non ponis
Olympo. Tanto ergo Patre, solè publi-
cum, & orbem aspexisti, Amor Prin-
cipum, Deliciæ utriusq; Senatûs, Pu-
blica vox Patriæ, exterorum admira-
tio, Reipublicæ totius Oraculum, & vi-*

vum

*vum Auiti Nominis exemplar, ANTI-
STES Reverendissime. Vnus enim omnes
Majores Tuos, quâ vultu, quâ animo re-
fers, fidemq; apud nos facis Imaginibus
singulorum. Si nos Pythagoræ non fallūt
dogmata, in augustum Animi Tui domi-
cilium, OLSZOVIORVM, KONIECPOLIORVM, KAZANOVIO-
RVM, KARNKOVIORVM, KORICINIORVM, OBO-RSCIO-
RVM, FREDRORVM, KROSNO-
VIORVM, DVNINORVM, potior
Genius videtur immigrâsse. Idem es flo-
rentissimo sanguine, idem olorina suada,
idem factis egregijs, & sola temporum
fortuna Majoribus Tuis posterior. In la-
cte materno candorem Patris, & quan-
dam ante pilos morum canitiem, à Cy-
gno hausisti suavitatem. Et satis jam
esset, ad Natalium Tuorum, altæq; ori-
ginis Magnificentiam demonstrandam,
dixisse: quòd idem sis Natus, qualis fi-
eri poteras, quòdq; eadem Tibi Parens,
quæ Soror Magni illius OLSZOVII.
Qualem alium, etiam à superis jam fla-*

gitare, non audebamus Poloni, nisi Te
nostræ felicitati, non tam sanguine, No-
mineq; *, quàm Animo simillimum, ultrò
Cælestes Gratia efformassent. Magni in-
quam OLSZOVII Soror, sexu fæmi-
na, virtutibus supra viros, conjux statu,
moribus Virgo, Decus quo vixit sæculi,
invidia secuturi. Absolutissimæ Prolis
matura Parens stirpem suam reliquit in
autumno. Virtutum exemplis supra imi-
tationem, nullam Regno dedit Filiam.
Animus nimirum immortalis, ita fasti-
diebat terras, ut ne Imaginem quidem
suam credere mortalibus voluerit. Ar-
dentissimis cæli amoribus assueta, frigi-
diore Anni spatium ad superos emigravit,
ut illæsus Candor, per Nives, viam suæ
integritati parem, inveniret. Annos su-
pra triginta duos vix emensa; majores
virtutes ferre capereq; vix poterat. Et
postquam inter homines, pridem insolitos
Cæli Amores invenit, non habuit, quod
ultra in terris quæreret. Nomen illi CA-
THARINÆ dixere omnes, sed AN-
NAM, hoc est, Primam Gratiarum
fuisse,

Te
No-
litrò
i in-
emi-
atu,
uli,
colis
it in
imi-
am.
asti-
dem
Ar-
rigi-
vit,
sua
su-
ores
Et
litos
uod
A-
N-
um
e,
fuisse, intelleximus demum ex Filijs, qui-
bus venustiores, ne ipsa quidem Pulche-
ria procreâsset.

Et hæc ideo de optima Parente Tua,
cujus vivam imaginem, Animo magis,
quàm vultu refers; præfati sumus, ne
ingrati superis pro tanto cæli munere vi-
deamur, palamq; sit, quot quantaq; Do-
mi exempla Virtutum habueris, quæ in
Prætecta disceres. Obligato igitur tan-
tisper vulnere, defunctæ Parentis laudẽ
excepisti, cujus immortalī Virtute semper
lætatus es. Neq; ut arbitror, ita doles,
quòd talem amiseris, quàm quòd tantam
habueris gaudes. Ita enim in singulis il-
la rectè actis eminebat, quasi cætera non
præstaret, ita omnia exhibebat, ut quod
in alijs virtus est, in illa, Natura esse
crederetur. Quanquam Tibi, non solus
Natalium splendor & Illustrissimæ Ma-
jorum Cera, ad Plocenses Insulas viam
fecere Flaminiam; Injuriae loco reponis,
si plus suffragij Patritiæ cunæ, aut A-
vorum Purpuræ, quàm Tua merita con-
ferrent Dignitati. A fumosis Proavorū

Imaginibus decolorem umbram, non lucem spargi arbitraris, nisi sua excitati virtute, ad egregiam eorum qui præcesserunt, æmulationem Curulibus Patri-
^{posteri} tibus[#] provehantur. Erubescunt pro illis Purpuræ, neq; ita Tyrio murice, atq; indignatione exardescunt. Ipsæ Illustres Ceræ, non in festivos ignes, sed in iras accenduntur immortales. Avita Magni Domus Inachi, non tam senio gravis, quàm meritis Gentilitia sæpe sumit Arma in degeneres, & prisci generis sanguis, procellam minatur Nepotibus, nisi ad feliciores Insulas, magnorum operum contendant remigio, proramq; vertant.

Mittimus ergo Majorum Tuorum e-logia, & ad primam potius ætatem Tuam calamus flectimus oculosq;. In Raven-
sensi, Calissiensis, Cracoviensi Athenæo vix stetisti, ferebaris in ardua literarum, supra tenerrimæ vires Pueritiæ, supra annos, supra exempla Palæstræ, subdente stimulos amplissimæ Domus gloriâ, & æmulatione. Festinatas opes natura

prope-

properabat imminentium præsaga Dignitatum. Tu verò ne Magni Avunculi ANDREÆ OLSZOVII, spem de Te summam in ludo illo literario falleres, fructum dabas pro floribus. Relucebat ad primam Cleantis Lucernam, quis quantusq; fores.

Difficilem olim jaciebat aleam Populus Senatusq; Romanus, cùm incertum esset, quo se Regum suorum Caesarumq; puerilis Indoles proferret. Diu soles illos, nubes quædam obscuræ, metum inter & spem publicam tenebant. Diu pēdebant populi, quis ille vagiret, Cæsarine an Tyrannus? diu trepidabant Proceres purpurati, ne suo plāctu infelices lacrymas Imperio minaretur. Terrarum Domini diu Pallori, Pavorig; sua litabant sacra, ut per tot victimarum cædes & funera, ad vitæ securitatem pertingerent. Premebatur enim iisdem cum Regio Infante fascijs dubia spes publica, Trajanum, an Tyberium evoluerent? & adhuc vagiens innocentia timebatur. Cùm non esset facile respondere, mitius

aliquod Astrum, an fatale Imperio fulmen respiceres. Nempe ipsa quoque illius æui sidera, impiæ telluris afflata vaporibus, quantumvis tot Hostijs exorata, raro illam indolem, Coronatis infantibus imprimebant, ex qua clarè legi posset, certa securitas populorum. Nondum verba, jam iras & fastum balbutire lingua, jam mortes minari & uulnera, jam Regios fastidire cibos, & tantum non suæ Matris ubera. Infelices populos, Miseros Aruspices, qui per tot discrimina metus publici, ad cognoscendam Moderatorum suorum indolem contendebant. Nescia mirari rerum miracula Antiquitas huc oculos, huc flecte aciem, totam lectura in prima Nostri ANTISTITIS aurora, publicæ felicitatis diem. Omnes enim, qui Te è vicino inspexerunt ANTISTES ILLVSTRISIME, felices faciebant Augures, magni vel in initijs progressus Tui, & insolitæ Virtutis documenta. Ardua literarum Tibi ludus erant, non labor, qui Literatorum olim negotium esse debuisti. Extra omnem fuit

dubij

dubij aleam, ad lucem editus esses, an ad
immortale decus sapientiæ? Meminisse
omnia videbaris, non discere, facilitate
felicitateq; tanta, ut clarè intelligeremus
universi, doctam Palladem, etiam sine
Capitis vulnere, nasci posse. Ita quævis
Palæstra Tibi ludus erat, ut plus ingenio
Tuo, quam cæteri Nouem Musis, plus
Illustrissimo Sanguini, quàm Fonti Ca-
statio debueris. Nempe quod plurimis
laboribus immortales Superi vendunt a-
lijs, Tibi ultro donasse vidimus. Ingenij
claritate, omnes Aristophanis Dioge-
nisq; Lucernas extinxisti, neq; tamen, ut
alijs, somniasti in Parnasso. Romæ, Pa-
risijs, Lovanijs, in illa nimirum celeberrima
Sapientiæ Arce, quam non tam pas-
sibus, ut laudatissimis ingenij exemplis de-
curristi, ita pro immortalis gloria vigila-
bas eminebasq; ut Magnus olim Poloniæ
Senator, jam tunc apud omnes, qui Te è
vicino inspexerunt audires. Rapiebat
animos singulorum, Os illud, cujus ad-
mirandæ facundiæ Potentissimi Regis
& utriusq; Senatûs integritas securè olim

credi debuit. Alij coram externo sole, nil
magnum, præter *Altæ Originis* suæ titu-
los, aut spes inanes *Majoresve* ostentāt,
in quorum veram *Famam*, postliminio
nemo vixit; Tu ingenium omni expecta-
tione majus, Tu indolem, primarū in Re-
gno *Dignitatum* capacem, & merita
præferebas. *Memoria Illustrissimæ* origi-
nis, non tumoris Tibi, sed æmulæ virtu-
tis fuit alimentum. Relicto *Magno No-*
mine, inanes alij conchas, ferunt ple-
rumq; ab *Exteris*, aut nudas *Adonidis*
Images; Tu illis gemmas *Virtutum*,
Tu immortalia *Nobilium exempla mo-*
rum, Tu *Romanis Theatris Rostrisq;* fa-
cundiam, *Lovanio* solidam eruditionē,
Lilijs Galliarum, innocentiae *Tuæ* can-
dorem affudisti, *Patriæ* verò quod omni-
bus istis majus æstimo, omnia *Tecum* uno
reddidisti. Nimirum rediisti nobis talis
tantusq;, quales alij se venturos ab *Ex-*
teris pollicentur tantum, ut *Parentum*
suorum solentur orbitatem. Hinc cæcū
alibi *Numen Fortuna*, in deferendis o-
lim Tibi *Fascibus*, *Argo* debuit esse ocu-
lati-

latior, quæ omnia longè ante titulos pro-
vidit, omnia diligentissimè circumspexit,
ne quid posset in Honore Tuo notari,
quod in Casum, vel in Fatum, aut fa-
vores immeritos, ingeniosissimus quantū-
vis Livor, olim rejiciat. Longa serie pri-
us merita Tua ordinavit, quàm Te ad
Altiores Dignitatum Gradus provehe-
ret; Ne vulgari mortalium tramite,
vir ab ævo immortalis, ad summa contē-
dere videreris.

Ad publicum Regni Tribunal De-
putatus Arbiter, non subsellium (ut
pleriq³) sed Dignitatem Iudicis absolutis-
simi implevisti, integritate tanta, ut lu-
cem Areopago, quam illi prisca submo-
verat Antiquitas, aperuisse videreris.
Neminem pronuntiasti reum, qui non
prius se ipse intelligeret damnatū, quàm
audiret. Illa Tibi causa cordi fuit, quā
non auri, vel fortunæ pretium, sed in-
nocentia commendabat. Ad Leges, &
Regni statuta flectebas oculos, cum se
præpotentes Rei vellent respici. Cèleber-
rimo Persarum more, cum salutareris

manum seruabas, ne crimina palparet,
uel munera. Hinc ad Tuum conspectum,
quæuis erubescibat Dignitas, quæuis ex-
palluit conscientia. Palam enim omni-
bus dicebas, Officium Iudicis, non Gra-
tius, sed Themidi à Te consecratum, o-
mniaq; non ex Gratiani uolumine, sed ex
Iustiniani Codicibus decernenda.

Post funestū MICHAELIS Primi
è rebus humanis excessum reduci ex florē-
tissimo Liliorum Regno, nullis de hoc Tu-
is sermonibus, sed quia omnium uoto
par uidebaris, pretiosum Tibi Regij pe-
ctoris Monile traditum est, quod in Hi-
spanias more institutoq; Majorum, No-
mine Reipublicæ reportares. Quis enim
alius vellus Aureum pro Majestate tanti
muneris, aut splendidius, aut dignius,
quàm undiq; concolor CHRISOSTO-
MI AGNVS, referre poterat? Pro-
fectò si quibus sideribus, etiam Iberij so-
lis Regia, certè Arieti patet. Et ita Tu
quidem feliciter cor illius Principis adje-
ras, ne dicam tot Rationum momentis
jam expugnaueras, ut dignas Hispania-
rum

rum Augusto, suppetias in Turcas Regno Tuo eviceris, nisi infaustum quoddam astrum, tam beneficum influxum invido aspectu præpediisset. Videre scilicet non poterat, unum Te, in illa tot siderum Regia, dierum aliquot intervallo plus confecisse, quam alij tam longa temporum morâ, non obtinere tantum, sed ne sperare quidem poterant. Ita enim in illa Natali solis Patria, Tua eluxit indoles, ut extinctæ Serenissimi KORIBVTHI Lunæ Hesperus credi posses, si Virtus Tua obscuræ alicujus noctis sciret confinia. Mirabantur Iberi; tot tantaq; absolutissimæ Prudentiæ decora in unius Adolescentiæ penetralia immigrare potuisse. Tu verò insolitis Magni Regis auctus fauoribus, ita fortunæ publicæ Classẽ, serenitatis illius aurâ propellebas, ut ab unius Gratiæ portu, ad alterius spei ires Floridam. Tandem quod amplius in tanta rerum fortuna suspicio, cum jam Brabantia, Lusitaniæ littora, totumq; cum Britannia Insulis, admiratione Tua tenuisses Oceanum, nihil in tam frequenti

*Honoris pompa, tumidum vidimus,
præter vela. Vt ergo in arena olim lite-
raria, Palladi vel Apollini, ita in illa
Legatione, Mercurio, id est: os hume-
rosq; Deo similis fueras, nisi quod ille
Deorum nuntius, Tu Nuntiorum Nu-
men audires. Hæc enim pro Majestate
Polona locutus es, quæ Apollinem pro
Delphis decuisset. Quanquam etiam pro
Angelico MICHAELE Astris (ut
credimus) reddito, non humana, sed
cælestis, quæ Tua est, suada meritò de-
buit perorare.*

*Nondum à tam operosa Legatione, in-
ter tot curas publicas, quantum par erat,
respirasti, jam aliam non tam ordine,
quàm euentu felicissimo secundam, ad E-
lectorem Brandenburgicum adornasti.
More magni sideris in uno diu nescij sta-
re loco Berlinum properasti, ut non die-
bus, (quod alijs quoq; commune) sed e-
gregijs pro Patria factis, Gloriæ Tuæ
terminos extenderes, collectamq; per tot
Regna diffunderes eruditionem. Magnis
quidem Tibi domesticæ fortunæ impensis*

hæc

hæc iterum stetit Provincia, sed majoribus longe publicæ gloriæ incrementis, postquam inde fortissimam aliquot milliū Pruthenæ Militiæ Manum, laboranti Patriæ porrexisti. Plus nimirum apud Martem Prussiæ, omni pretiosior auro, suada Tua potuit, quàm supplices aliorum preces, aut minæ. Hinc Te Regum Potentissimus IOANNES III tantò magis æstimare, quantò armis, quantò hostibus graviores vidit copias, quas Legatione Tua tam feliciter evicisti. Quantum fæderatas illas centurias majore odio ferri in Barbaros notabat Gradivus noster, tantum amare Te fortius cogeatur. Nempe per aperta ferro illo hostium viscera, profundius ad cor Regium penetrabas, & per excisas rebellis Hungariæ Vrbes, Principem Amoris sedem, pectoris invicti Arcem occupabas. Relucebat enim inter auxiliares illos ignes & Arma Legatio Tua, & tripudiantibus lectissimæ militiæ signis, ante aciem triumphabat. Quantò plus in hostico æris proprii miles ille profundeabat, tantò

Tibi amplius apud omnes pretij accedebat. Compendio rem absolvam: Oratorum Fortunatissime, pepercisti Regni ærario, vires virosq̃, & exitium hostium auxisti, donasti Civibus Tributa, quæ erogare debuissent, nisi Legationem suscepisses. Fuisti pars magna pulcherrimæ post hominum memoriam victoriæ, Laureas Viennenses & triumphum geminasti. Quoties alij tam difficili Reipublicæ articulo ad vicinos Principes mittebantur, nil nobis nisi funestas atramento paginas, & inanibus verbis superba promissa referebant. Tu belli nervum, Tu militem in bella paratum, Tu fortes signorum Duces, Tu funesta Orienti Arma duxisti. Et pulcherrimum me hercule fuit hoc sæculi nostri prodigium, quod Marchio Fridericus, tanto odio Purpuratos Romanæ Ecclesiæ Patres semper auersatus, tanta reuerentiâ Polonum audiret CHRISOSTOMVM, ut omnia simul ad unam illius vocem præstiterit. Rara profectò hæc est gloria, & non minùs Tuæ Legationi, quàm nostræ
feli-

*felicitati, à superis reservata, PRÆ-
SVL Optime.*

*Pultouiensis, Cracouiensis, Gnesnen-
sis Canonicus simul & Cancellarius, o
inæqualia tantis Virtutibus Nomina Di-
gnitatum! o miraculum modestiæ Tuæ!
Tam publicis auctum meritis, tam diu
intra Vachocensis Abbatiae terminos, &
Kijouiensis Insulae titulos stare potuisse!
Discerent à Te PRÆSVLVM Mode-
stissime, omnes Sacri Honoris Candida-
ti, non alto Auorum sanguine, non obli-
quis artibus Amicorum, non priuatis
fauoribus, sed præclare actis, ad magna
niti fastigia. Poteras enimvero Tu
quoq; communibus his suffragijs ad mayo-
res Purpuras celerius eluctari, sed Nu-
men illud Purpuræ, Jucor Tuus vul-
garem viam nescijt; quia olim adhuc per
Templum Virtutis, ad veri Honoris A-
ram eundum esse didicerat. Tardius se-
qui veteranos Antistites voluisti, quos jam
longè prius meritis præueneras, vel æ-
quabas; ita ut facilius fuisset optimo
Principi, Primas Tibi post tot actus*

conferre Infulas, quàm verecundiæ
Tuæ, vel nutu postulare. Publicum e-
nim dedecus censebas tantorum in Patriâ
meritorum, & palmarem integerrimæ
virtutis injuriam, humilioris fortunæ,
parum patientem videri. Omnibus inte-
rim Majorum Prouinciarum titulis, po-
tior Tibi videbatur Reginalis Cancellarij
munere dignum censi, à quo tribus pe-
ne lustris, ne latum (ut ajunt) unguem,
è Regia discedebas. Et hic iterum no-
vus se mihi laudum Tuarum pandit oce-
anus, cogitanti quàm ingentibus meritis,
tàm difficilem Prouinciam impleueris.
Quanta enim illa manus Tua esse debue-
rit, à qua tunc omnia utriusq; Majestatis
munera pendebant. Quam prodigiosa
penna, quæ ad intima Serenissimæ arca-
na mentis pertingebat, quæ calami illi-
us amplitudo, quæ tantam potuit rerum
molem simul complecti, & momento in
paginam effundere! sepe enim:

Nondum lingua, suum dextra peregit opus.
Serenissimis deinde assueta fulgoribus
Virtus, nihil obscurum admitte-
bat.

bat. Clarissimos ubiq³ optimosq³ sequeba-
ris, nihil ob jactationem appetebas, nihil
ob formidinem recusabas, illa intentus
& anxius agere, quæ utriq³ Majestati
inprimis probarentur. Nunquam fa-
mam (cui etiam sæpe Boni indulgent)
ostentanda virtute, aut per artem quæ-
sisti. Procul ab æmulatione, à conien-
tione procul, & sicut atteri, ita vincere
quoq³ inglorium arbitratus, in Pacis Re-
gia, versabatur Animus sereno par cæ-
lo, & beatus. Ita Regni Aquilas Ceris
imprimebas, ut ijs in omnium affectus in-
volares, ita omnium corda incredibili hu-
manitate trahebas, ut Magnes Animorū
credi potuisses, nisi à CHRISOSTO-
MI Cognomento fuisses aureus. Nihil
unquam solitæ comitati Tuæ, confluentia
undiq³ negotia, nihil grauissima quæ Te
ubiq³ circumstabant Aulæ momenta, de-
trahebant. Omnium horarum fuit huma-
nitas Tua, omni puncto, ceu Numē quod-
dam aderas. Per hos gradus in tam al-
tum humanæ Prudentiæ culmen euasisti,
ut nemo hodie non aduertat, quod cæle-

stem quandam mentem, à tam proximis
quotidie serenitatibus hauseris, ut non sit
affectus hominum, quem non palam vi-
deas, aut aperias. Vbiq; cum subtilitate
ingenij rectitudo iudicij certat, & utrūq;
vincit, rara mortalibus naturæ bonitas.
Hinc utramq; in Aula expertus fortunā,
ita solidos in lubrico illo theatro gradus fi-
xisti, ut Te nullus unquam turbo quan-
tumuis validissimus, à recta statione dimo-
vere potuerit. Indignationem alij aut tæ-
dia, post breue obsequium; Tu pretium
incomparabile, Tu integerrimum de Te
Optimi Principis iudicium, Tu Serenis-
simæ Aulæ desideria, & immortalem Tui
memoriam, ad invidiam pariter atq;
gloriam reliquisti.

Non memoro Iaroslaviēsis Præpositu-
ræ Nomina, quæ PRÆSVLEÆ Di-
gnitatis Tuæ admiratione superasti. Vi-
debaris enim ideo Præfecturæ illius Fa-
sces admisisse, ut Augustæ Matri ad
prodigium extra urbem dolenti, Par fo-
res solatium. Quod ut felicius præstares,
totum Te ad illius cultum, totum ad po-
puli

puli eruditionem, totum ad augendum
Cathedræ splendorem conuertisti. Et
quidem tam beato successu, ut ad unam
Basilicæ Tuæ Aram, omnes è cælo Di-
vos euocâris. Quid enim auro Tuo tam
frequenter distincti fornices loquuntur?
nisi quod jam hodie libentius Te PRÆ-
SVLE, superi quoq; apud mortales ho-
spitentur. Adeoq; quod inter fabulas tã-
tùm suas venerabatur olim Antiquitas;
nos singulari priuilegio tot simul Domi-
nostræ habemus Calites, ut plures ne
Empireum quidem possit numerare. Ni-
mirum idem Sanctorum Omniũ, & Tu-
um Templum est. Nulla sanctitas à Tuis
ædibus excluditur. Neq; decent tot vir-
tutes! penates alij. Quid dicam, immo
quid non dicam de voce illa Tua flexani-
ma, sacras inter Conciones, miraculo
magis, quàm strepitu sonoras. Nunquã
illà Iaroslauiensium corda penetrabas,
quin illico in uberes lacrymas dissolueres.
Cur enim Diuine Pericles, omnes ani-
morum latebras Tuo fulgure non per-
vaderes, quod immortale omnia implens

verbum, ita fulminabat, ut quicunq; Te
audirent, singulos de cœlo tactos credere-
mus. Omnes enim quos admonebas, lon-
gè ab humanis, siue vitijs, siue affecti-
bus, & penè extra seipsos abire videbã-
tur. Ite nunc antiqui fabularum artifi-
ces, & Gallicos nescio quos Hercules memo-
rate. Inuenerunt in nostri CHRYSO-
STOMI Ore commenta vestra fidem.
Vidimus non aures tantum populorum,
sed Animas etiam immortales aureà Tuâ
suadâ, cœlo toties obligatas, PRÆSVL
Dignissime. Nemo fuit qui Luscinias Iso-
cratis, ad feralem tanti Oratoris ^{#tumultum.} paren-
tantes desideraret, postquam admiranda
eloquentiæ Tuæ vi, immortale funus ita
suaviter omnibus pæne vitijs indixisti.
Id verò ut præstares felicius, ad melleas
Platonis apes, fortes sæpius aculeos, ad
molles Hortensij Rosas acutiores spinas
addidisti. Et quanquam interdum in omni-
um mores, interdum in paucorum scele-
ra detonabas, & in animos vasto impetu
irrumpebas; vidimus tamen frequentis-
simè, severa Majestate PRÆSVLIS
depo-

deposita, Te ipsum Tibi, hoc est cognatae
domestico AGNO mansuetudini restituere,
ut paenitentium exciperes lacrymas,
quas in Tuas aures, immortalis palato ad
delicias usque propinabant. Ex qua facili-
tate apparebat cuique, non personis Te i-
ratum fuisse, sed vitijs, neque ita autho-
res criminum odiisse, atque ipsa crimina.
Neminem ergo Tua exasperabat correctio,
cujus vita ab eminentiore Dignitatis loco,
omnium censuris exposita, patebat lau-
dibus singulorum. Immo incrementis
Tuis apparuisti tunc nobis major, cum
Te ita profunde inclinasti. Quanta vero
felicitate id egeris, quanto populorum so-
latio, palam est omnibus. Te enim tam
longe absente, nullus in urbe illa hucusque
tumultus, nulla seditio, nulla inter Ci-
ves discordiae alea, aversio nulla animo-
rum, eo quod talia Optimo PRÆSV-
LI displicere didicissent. Nulla Domus,
nulla occurrit Ara, quae tam Tuae, quam
suae felicitatis quotidie non colat memori-
am. Immo nulla mensa, dicam etiam
nullus focus, qui non magis sacrarum Tu-

arum Parenesium zelo ardeat quotidie,
quàm suis ignibus. Si adhuc ad populum
vel semel perorares, non mores tantum
antiquos, sed Nomen quoq; suum Urbs
deponeret, & quæ nobis hodie Iaroslavia
nuncupatur, superis Placentia dice-
retur.

Verum à tam publicis in cōmune pro-
meritis, quibus majores olim debentur
Fasti, ad domesticas virtutes Tuas pro-
gredior. Aedes ipsæ inprimis Tuæ in
quibus hospitaris, non minus Dignitatis
Tuæ sunt, quàm virtutis. Non Liber,
non imago in illis locum habet, quæ inter
Aras non possit poni, aut cælo. De Re-
ligionis pupilla quid dicam? ingenio quā-
tumvis acutissimo, tantà sermonis reve-
rentià arcana sua tractas, ut ne argutias
quidem parum cautas, in sacris Tex-
tibus ludentium, etiam inter amœniores
epulas patiaris. Ne oculatissimam sa-
pientiam Tuam, plus, quàm cæcam Fi-
dem, securissimam illam humani Ducem
ingenij facere videaris. A catholicis
Romanam Dignitatem tanta commen-
das.

das suauitate, ut qui prius vim suadæ
Tuæ timebant, jam cogi velint, ut ali-
quam habeat excusationem pertinacia.
Templis omnibus, quibus Te, raro e-
xemplo quotidie infers, illum splendo-
rem aut imperas, aut facis; qui solem
quoq; ipsum Iustitiæ decere possit. Tu ve-
rò ipse extra Aras, quasi continuus ad
Aras, viuis, & cum ad Altaria deuolue-
ris, non studia curasq; intimas, sed lo-
cum tantum mutas. Ita redundante in
faciem pietate, totus ades rebus sacris,
ut palam sit, unico æternitatis negotio
vastissimam Tuam mentem impleri, oc-
cupariq; totam posse. Ad Insulatæ Pru-
dentiae Tuæ commendationem, satis me
hercule existimo, hoc unum elogium: quod
in difficillimis, grauissimæ Fortuæ Tuæ
Casibus, quibus illibatissimæ gloriæ Tuæ
pupilla, nimis fortibus insidijs petebatur,
nullum injeris unquam consilium, quod
non omnes simul virtutes composuisse vi-
derentur. Inuictam, & primis dignam
Purpuris Fortitudinem, Moderationem,
Iustitiam, quicumq; Tuam vellet æmula-

ri, ingens me iudice, vix euaderet insolentis cujusdam ambitionis periculum, ita perfectis Legibus vivere contendendo. Acceperamus jam pridem auribus, quæ de Te vulgabat ingens Fama, sed majora longè oculis didicimus ipsis. Amplificasti præsens omnia, quæ referebantur absentibus. Te coram Iudice, nil juuat præpotentem esse, nisi sua Causa magis innocentia, quàm auro resplendeat. Neque jam miramur oblatis muneribus, non posse corrumpi Tribunal Tuum, qui domesticas gazas, majori aviditate in egenos distribuis, quàm cæteri alienas opes concupiscant. Et indulgere quidem Tibi Boni superi, PRÆSVL Munificentissime, satis fortunarum; si tamen beneficia Tua expendamus, quæ tam liberali manu in Tempia miserosq; spargis quotidie, omnia vectigalia Tua, minora sunt animi Tui amplitudine. Idem enim est miserū esse, quod ingens apud Te habere meritum. Ad Tuam fortunam pertinere putas, implere vota omnium. Gravis fortasse est Modestiae Tuæ laudatio

ista,

ista; non tamen ego Te laudo, sed narro
Tua. Secretum beneficijs Tuis imperare
non potes. Agnoscimus in largitionibus
manum Tuam. Nam quæ sine tuba, si-
ne pompa, sine strepitu dantur, & dan-
tur magnificè, non nisi Tua sunt.

Taceamne prodigium illud modestiæ
Tuæ PRÆSVL Celsissime, cum nuper
Plocenses publico Capituli nomine po-
stulareris ad Insulas. Mersisti lacrymis
oculos, lugebasq; unus, de cujus Digni-
tate lætabantur universi. Tanquam de
summa calamitate admonitus flebas, cu-
jus postulatio omnium Animos, effusissi-
mo gaudio cumulabat. Indigebas solatio
Amicorum, in quo omnia spei nostræ gau-
dia superi posuere. Cadentibus lacrymis
Tuis, exaruit nostra felicitas, & tan-
tum non corruit, anxia ne Te diutius ex-
cusares. Novum hoc certè fuit spectacu-
lum, & quod nulla ætas taceat, nullaq;
videat iterum Posteritas. Animorum
Regina veritas, quæ in Aulis Princi-
pum personata, variam sibi larvam ob-
tendit, aperta semper incedit Domi Tuæ.

Neq̃ Augusti Majestatem, neq̃ Catonis
supercilium, neq̃ Seiani aut Tyberij fron-
tem sumit ad insidias Animorū. Et optaue-
rit olim Tamerlanes, tam sinceræ indolis
gemma suo inseruisse annulo, quæ pa-
lām sudaret, si quis ante suum conspe-
ctum, intimis animi fibris hærentem,
occuleret veritatem. Votum hoc tantum
fuit Terroris Asiæ; re id ipsa, & felici-
or euentus Tibi PRÆSVL RÊVE-
RENDISSIME, meritò servabatur,
in cujus ædibus publicam habet Aram,
Numen hoc. Neq̃ gravius ab uno quoq̃
Te coram delinquitur, quàm contra veri-
tatem. Magnum tamen Dignitas Tua
discrimen tunc adiit, cùm tantò minùs
illi crederetur, quantò disertius tenuita-
tem suam referebat. Immo letissimum
censuere omnes Principatum, cujus au-
spicatum omen effusæ inter Aras lacrymæ
consecrabant. Non sterile enimvero lit-
tus illud fortunæ publicæ pandebatur,
quod tam diuite lacrymarum Tuarum
nimbo rigatum est.

Etiam hoc Deorum immortalium mu-
nus

nus ex destinatis est, tantarum Virtutum
Tuarum maturitatem, Episcoporum De-
cano successisse. Nimirum quod plurimis
in voto, nonnullis in spe tantum, paucis
in euentu fuit; hæc obtigit Antecessori
Tuo felicitas, ut secure possit fortunæ
sue superstes, tanto Successore gloriari.
Datumq; est novum gloriæ Tuæ docu-
mentum, eò Te magnitudinem merito-
rum protulisse, ibi secunda PRÆSV-
LEI Honoris jecisse fundamenta, ibi
semina Dignitatum sparsisse, ubi Prin-
cipum sanguini, ubi CAROLO Ma-
gni VLADISLAI Germano, spirasse,
satis erat ad gloriam, satis ad immor-
talitatem. Scilicet eo loci apud fortunam
es, quo Regum Magnorum Purpura.
Et id quidem Auiti Tui AGNI privi-
legium est, illo in campo stetisse, quem ita
feliciter Madalinij vomeres coluerunt,
ut Aureum tandem seculo nostro pro-
ferrent CHRYSOSTOMVM.

Parce PRÆSVL Benevolentissime
toties Tua Nomina, sine paribus titulis
compellanti. Quanquam tacentibus no-
bis pulcherrimi illi & ex tota pæne anti-

quitate lecti Codices, hoc est immortalia
illa Gloriæ Tuæ monumenta, quibus pu-
blici præli officinas toties fatigasti, plus
omnibus de Te loquentur. Disertissimæ
pro Rostris & Libertate Pareneses Tuæ,
Leges viuendi erunt posteris, & perenne
ingenij Tui prodigium. Ibunt in ævum
tam eruditæ paginae, neq; ita conticescent,
quæ ita fortiter pro Deo & Patria loqui
à Te didicerunt. Immortales excitabit
calores in Lectorum animis, cælesti quo-
dam igne ardens suada Tua, quam illis
felicissimè impressisti. Habebunt clypeum
virtutes, quo integritatē suam tueantur.
Discent Posterī qua voce aures Principū,
quibus oraculis Senatūs Majestatē imple-
re debeant. Habebunt Anni consequen-
tes perennē Domi fontē, ex quo non My-
lesias fabulas, sed solidā Ciuilis sapiētiae
eruditionem hauriant. Non uno legēris
æuo, & inter magnorum nomina scripto-
rum memoria Tua de mortalitate tri-
umphabit. Eminebūt in fastigio volu-
minum virtutes Insulatæ, quas hactenus
tanta arte palliabat modestia Tua,
clarumq; erit singulis quibus gradi-
bus

bus ad hanc perueneris Dignitatem.

Vides jam Antistitū Sapientissime quòd Te non Illustrissima tantum, ut ceteros miramur in stirpe, non in magnis Parētibus, non in Auis, Proauisq; Senatoribus, non in amplissimis Fratrum Nominibus, Armis Togāq; præstantibus. Amplificas enim ipse nobilitatem Tuam, & Illustrissima origine major Nepos beneficium singulare Posteris Tuis præstas, quod dum se clarissimos probare voluerint, satis superq; fuerit, si Tui meminerint. Et onerasti quidem ingentibus meritis futuros Dignitatis Tuæ hæredes, sed simul providisti, solatia comparatis, ut veram excusationem olim habeant, fieri non potuisse Tibi similes. Redibis tamen sæpius in sæculorum memoriam, quæ Tecum conferent Successores Tuos, quoties parem ab illis, vel in templis nitorem, vel in Iudicijs æquitatem, vel gravissimam cum Amicis consuetudinem, & Dignos Magno PRÆSVLE agendi ritus, vel in senatu sententiam, vel in expediēdis difficillimis negotijs celeritatem expectabunt. Stat foribus Tuis semper affixa

tot hominum curarumq; multitudo, singu-
 las tamen ita profunde expendis, singulas
 ita feliciter euoluis, ut totus in aliena de
 cœlo lapsus commoda, ex tanta fortuna,
 nihil Tibi referas decerpasq;, præter unâ
 de omnibus bene merēdi felicitatem. Eas
 ergo exemplū & mensura virtutis Insula-
 tæ, quam optimus quisq; ANTISTES ad
 imaginem Tuam exhibeat, spe publica
 votoq; celerius. Occupa pridem debitum
 meritis Tuis fastigium, respirent sub Te
 longâ expectatione pressi hætenus populi,
 reflorescant sub eruditissimo PRÆSV-
 LE Literati, defunctæ Artes vitam re-
 cipiant, quam immortalibus olim Gloriæ
 Tuæ fortiùs impendant elogijs. Redeat
 Suus Altaribus splendor, Clero Digni-
 tas, Religioni Majestas, Fidei Romanæ
 Authoritas, Aurea vox Senatui, Poste-
 ritati verò, tot impressis voluminibus, suæ
 immortalitatis Author.

A. M. D. G. B. M. V. I. C. H.



7. XXII. 2

ngu-
ulas
n de
na,
una
Eas
ula-
Sad
lica
um
Te
uli,
SV-
re-
ria
eat
ni-
nae
ste-
uae

